



志壑堂集

五

八和
1080
5



明和16
冊1.080
卷5



志壑堂詩集卷之九

戊午巳未集

戊午之春歸自吳越迨夏先夫子姚大司寇
端恪公病中具札來招余是以有金臺之役
與諸先輩贈答數詩歸來數日而先夫子歿
余候哭夫子於聊野之津是以有巢陵諸詩
並已未里居詩為一卷從益都相國馮易齋
先生得宣城施愚山侍講手為評定愚山之
評曰有理學語有仙佛語有農圃語有臺閣
語衝口說來總無一塵土語時而李杜時而
白蘇總是別有本事別有格律僅僅以詩人
目之陋矣云云噫余且得為詩人乎哉

長安道上和念東先生贈詩

駿馬連錢青絡頭千金寶劍紫絲緜道人輕擗雲

山笠看爾揚揚年少遊
畱語蒼頭護竹籬
閒塘任泛碧漣漪
行人塵市無多住
屈指歸來花滿池
竹樹園林開不開
禪關纔扣已無懷
晚雲如嶽連天起
枕簟擬聽夜雨來
翡翠池塘萬斛珠
月臨碧樹影來徐
山泉鳴處荷香發
銷夏銀灣恐不如
江南江北旱如焚
膚寸雲興似慶雲
雨後蓮池來結社
如今漉酒漫殷勤

曉渡柔乾近鳳城
婆娑雙鬢老何成
黑甜鄉好人輕去
誰道鷄聲非惡聲

新忠驛喜雨

曉行旭日散林塘
驛路晴光映水光
蛙吹歡如鳴凱鼓
蟬笙細似奏霓裳
投鞭柳下旗亭綠
岸幘風前紈扇涼
省識太平真有象
漢陰憐煞灌畦忙

聖駕幸趙北口恭賦

蘆荻蕭森蒹葭鄉
溪村陳說見君王
柳陰警蹕時時發
御幄芙蓉冉冉香
遙憶宸歌瓠子口
親教

水戰羽林郎雄關自昔稱天險挑鑿昆明笑漢皇
途逢禁旅南征

月上呼衣甫二更人迎禁旅又南征天街不動妖
旗落銀渚猶回斗柄橫鳴角千營移大纛干雲雙
旆拂高城海波近道平如掌五月出車復請纓

和馮易齋先生贈詩四章纔見三章

虞卿窮後賦難工踪跡於今似懶融五畝灌園林
下事十年煨芋野人風田名北嶽雲還北避世東
隣耜復東卻惟芒鞋今山蕩年來燕越類飛蓬

白雲紅葉衆山秋李郭仙舟得共遊叅謁南屏歸
嶽麓逢迎西子醉湖頭舊交屠狗垂垂老過市侯
嬴故故畱何幸握衣趨相府絲綸閣下許青眸
倥傯有術駐朱顏蓋代勲名伊呂間談笑座中鈴
閣靜指揮江上羽書閒三台縹緲惟瞻斗四皓恩
榮不入山萬柳新堂冷水竹搖風弄月總多般

和梁蒼巖先生贈韻

擁帚朝來報主闈手將詩卷謁棠村重遊夢得無
花在老至張儀有舌存一代典型歸杖屨廿年風

雅見琴樽火旗正熾鄉心切回首燕山望戟門
金臺十日舊痾增悵望長林念故朋日壓湘簾鬢
不動汗流冰簟寢還興緇塵蹀躞無神駿赤脚川
岩有定僧紈扇何如風外柳高樓搖曳臥陳登

孫樹百給諫吳越歸來營萬仞芙蓉齋成和

高念東先生贈詩三章共成十首招飲索

和率步原韻

歸來給諫策山靈折簡分明慶落成別墅近添花
木勝新齋勢與澗溪爭座間縹緲青巒影檻外琮

琤碧水聲稍待長廊酒醉墨垂虹橋上試茶鐺
枌榆舊社敲柴局幾載移家入翠屏絳樹歌雲行
復佳平泉枌石醉還醒誅茅種竹開三徑嘆水流
觴繞一亭過客莫愁迷出入浣花溪路向曾經
詩瓢荷笠廢前驅暇日登臨一杖孤入寶歸心青
瑣闥五雲回首射陽湖直將宓子鳴琴意寫入龐
公採藥圖細草如茵倘有興小車花下待堯夫
般陽處處列噴旼久作天石洞壑看相國飯牛青
箬笠仙人跨海鹿皮冠奇峯支金三山翠削壁藏

龍百仞寒總入君家屏障裝東南竹樹更檀欒

晴日蕭閒報主闌來聽撥阮小崑崙

康崑崙也

重將法

曲清商怨彈入秋歌步夏門

瑟曲

擊鉢高吟嫌聞寂

鼓鉦隊舞太囂喧素心不廢頻來往晨夕淵明卜

近村

城南傑構上雲霄短策西風入望遙客子賦詩題

水檻道人卜築走山魃朱闌錦瑟花能語丹鼎黃

芽月有苗一片夕陽畱翠靄晚涼歸去玉驄驕

蒲笠山頭路向東開扉更植菊花叢木奴千樹微

君宅茅屋三楹處士風丁令乍來驚世改漁郎輕

去悵途窮清秋葉落頻頻掃莫與人間流水通

笠山

之東可
以為圖

便云羽化果何曾咫尺三山每獨矜絕粒巢松雖

似鶴閉關結制不如僧孤峰把定塵緣冷土釜牢

封黍米凝何日林泉飛錫杖寒窻細雨話傳燈

十斛珠投總夜光開函重讀訝非常金莖細瀉仙

人掌玉屑零霏古錦囊短笛高臺新月落曲欄微

雨亂紅香幾回親見成幽賞記取琅玕蔭筆牀

天孫截案大夫松玉簡金泥徑幾重御路回鑿詢
舊蹟霜崖落鴈問前峰狂吟豈敢稱文虎爛醉或
應號酒龍歸計登堂將索句再看初日照芙蓉

時將

登

戊午菊月驅車巢陵喜逢耿又朴年翁館餐
之餘投贈新詩奉和三首

危樓光岳淨無埃似約同遊北道來適館還勞樽
榼至登堂喜見綺筵開興王百戰餘蕭寺高士千
金有廢臺白是尋常磨鏡客主人下榻漫疑猜

以祭

姚端恪
先師至

青蓮歸後鍊丹砂舊署琳瑯盡國華碑碣魯連看
繫馬陵園巢父聽棲鴉抽簪東閣勅三事下鍵西
堂富五車賦就新詩如拱璧披吟飛雪並橫斜

時菊

月廿九
日大雪

並駕曹劉屈指論素裾方雅見吾真飲醇公瑾先
愁醉拂鏡虛能未有塵與子周旋寧作我如君少
壯不猶人他年砥柱東流日珍重西來一問津

贈巢陵鐵塔寺主僧

久住無煩復送迎往來蕭瑟稱幽情祇愁世法陶
元亮豈有塵心竺道生一水橫橋村市遠六時禪
板戒壇清我來彌勒分牀座日夜傳經鐵塔鳴

穀日和念東先生詩時歲大儉

人日晴和穀日風時光握粟問天翁傳柑紫陌流
亡日挑菜青山痛哭中帶索啓期歌幾疊援干季
路舞三終歲星在國疑無驗愁見西山晚照紅

時歲

星在
充

題樹杪借山樓用孫樹百給諫韻贈趙晉石

春回寒日已揮戈料理書巢曬釣簑掩卷山峰開
翠幔張燈灌木起雲蘿清尊北海宜爲樂白石南
山莫放歌不羨元龍樓百尺堯夫自昔此行窩
蒼厓孤館日高眠山靜人閒似小年列岫芙蓉疑
夢得

孫抃爲書
樓孫氏

一時溝壑對荆川

唐中丞滿壁題
志士不忘在溝

壑懸泉疎雨鳴空谷遠寺晨鐘度曉煙早晚林塘

寒食路與君斟酌落花邊

誰云名士誦離騷久信乾坤馬一毛

慈山禪
師句

盡道

林宗歸物望可知康節屬人豪聽松蘿屋畱笙鶴

拜石甘泉具笏袍好向郭熙索醉墨春山雨霽寫
飛濤

寄勞書升學憲

燈火前年玩月觴詞曹遙集醉霓裳南州人物徐
孺子北地文章李夢陽花發杏壇春正艷詔承宣
室夜方長他時節鉞應懷舊家世甘棠蔭此鄉

二月十六日晴效公安體

歸市人稀小巷深闕庭風定散春陰應門以外無
童僕展卷之間得向禽砌草還翫猶偃蹇林花帶

笑故沉吟紙錢杯酒清明近拄杖青鞋遊子心

十七日

忍向茅簷問杵舂闕身聊復自明農關心事減憐
烏鬢閱世人稀念赤松不雨春愁耕澤澤無年夜
聽鴈雖離金生粟死金還死好語山中酈曼容

無事

無事高吟無事眠癡頑老子也
鏗爾花露玉嬌一唱然於世
杖已多年差堪笑語耆英會慶弔新交與後賢

朱陸

觀場啼笑總茫茫畢竟金谿說最長
右傳五章蛇畫足中原諸子穀
亡羊干卿何事春波綠似約會
來燕尾忙縱使考亭能格物不將
樹上結生薑
峯影崔嵬柳影斜竹牀斐几野人
家牛皮遮眼穿
應透賣菜求傭益可嗟竹下王猷
來翠羽花間阮
肇宿昏鴉小齋深閉偏多事一日
山蜂兩放衙

哭王綏山同門

越水無情灑灑波方舟南下竟蹉跎
如君豪邁逢

人少似我浮沉闕世多蕭寺樓船雙
命酒吳山風
雨再聽歌神仙有長春訣椎碎胡琴
喚奈何
白下霜朝鴈羽來慙勸邀我共啣杯
海中雪浪鯨
鯢滅客裏朱提驛騎回逝水無情桃
葉渡乾坤有
恨鳳凰臺山陽一笛人皆散向秀虞
淵賦可哀

邵九緘明府書至詩以寄之

一別河陽問訊疎清明節近奉雙魚
傷心華屋行
除墓伏首苦廬莫廢書敬仰山前泉
似泣王官谷
口雲如裾可憐澠水鴻飛甚猗頓何
方定起予

王綏山所寄之馬死

棲遲外廐欲如何付與虞人齒已多此去追風應
認路芙蓉城裏伴青羸
主人舊是玉堂身紫電青韁不起塵後死半年猶
有恨大荒多恐跨麒麟
嘆息人琴可奈悲長嘶報與故人知經時伏櫪惟
湯藥棧豆誰將死馬醫
鄣泥未試付塵埃天馬行空世莫哀久矣敝帷零
落盡不妨智井葬龍媒

和魏環極先生贈詩原韻

老成奉國在丹書此外經綸有事歟相府懸魚誰
不爾汾陽滅伎況其餘烏鴉宮樹朝叅早劍佩天
街曉漏疎寄語外臺諸將吏臣心一片雪冰如
牛角春風掛漢書仰天一嘯獨何歟元戎節制惟
朋扣大吏勲名視羨餘無那官多清俸減却綠網
密刺姦疎傳聞卜式封侯日蹕騎平津嘆不如
荏苒匡衡罷著書人云狂易信然歟垂簾寶鼎濃
香後結屋丹厓落照餘杖屨名山經世懶跣跣丈

志登堂詩集 卷之九
室治心疎一從茂叔歸來後吟咏春風恐未如
晝起樵雲夜讀書人間梅市尚存歟音違鴻鴈三
秋迴座隔琅環一丈餘自笑馮唐雙鬢老或言汲
黯世情疎嘗憐正則無情思阮籍途窮更不如
縱然脉望不離書曾識蟲魚一字歟結習化城終
有漏涅槃惹嶺本無餘窻前紅雨栽花滿籬外青
山種竹疎好語侯芭知此意雄文原不似相如
醉後題詩潑墨書醒來驚恠似誰歟松筠小圃遊
無厭菽水高堂問有餘舊燕占巢終懶慢新鶯啼

雨太生疎傍人錯比佞真子白鷺桃花定不如
三世蘧廬註化書蜉蝣然也抑非歟聽松貞白成
高韻種樹陶朱出緒餘蕉葉卷舒春夢短笛聲斷
續故人疎海天石室依然在莫指南山誦九如
宴坐空齋屢廢書庭前春至尚遲歟危闌竹樹開
樽後別館桃花策杖餘鷲嶺宗支真汗漫鷺湖同
異費分疎偶然賭墅歸來晚散帙晴窻較弗如
乾坤初畫本無書猶復名山問道歟汗血一毛傳
字說鸚鵡三弄譜詩餘鑿輪曲曲爲君語照影迢

迢與已疎我註六經經註我當年蝌蚪意何如

杏花

清明兒女競喧譁歲歲鞦韆傍此花水驛綠楊遊
子轡山村青幔酒人家寒梅謝後無春色梁燕來
時感物華介甫題詩休惡謔疎枝真與月橫斜

寄張西山少叅

雙旆翩翩出禁城使君轉對自承明題詩玉殿臣
方醉對雪梁園賦早成富弼再來原脩賑橫渠年
少自譚兵如今鵠面諸情狀神鬼應無問賈生
公先

年便有備
荒之議

代贈青城周明府 周南宮人

小清河外錦秋湖細柳營中周亞夫兩次曲江題
鴈塔幾年壽省對香爐頻中鄉約能除盜稍緩催
科卽免租世治自關尹保障時清寧讓范萊蕪有
人傳檄消諸孽何法捐金救大無
聖詔三薰三賜沐仙喬一日一飛鳧好將潘岳栽
花譜寫入南陽燎竈圖

和任海湄司寇贈詩原韻

北舍曲江連轡後
花開花落憶長安
清樽相對如初識
紫硯猶存感舊歡
宿世尚平司嶽吏
前身龔缺老農官
菟裘已就身將隱
椽筆還求志兩桓

桓墓

上華表之類

廿年風雨懷人久
屐齒雍容見謝安
長爪脩髯瞻偉望
新詩紈扇奉清歡
流鶯索醉來狂士
杜宇思歸棄鳥官
祇似遼東初化鶴
千秋去國落雙桓

念東先生別墅看桃花
言及捨宅爲書院事
歸來有感夜作六首效堯夫體若云長

慶渭南則不倫矣

鳥在深林魚在滌
卻憐蕩子未安居
沙門喚轉畱名教
儒術銷歸見性初
龍不呈圖原有易
魯雖壞壁詎無書
欲知千聖相傳意
清夜鐘聲炯炯如
六月炎蒸十月寒
心知更不倩人安
翹翹自喜離群跳
戀戀無休粘壁乾
命中家藏穿羽箭
指南天賜定針盤
妍媸莫問旁觀者
寶鏡無塵仔細看
學人休問悟如何
剪草畱根禍正多
縱破情痴還懼死
倘明性體若爲魔
神仙市上敲瓢樂
道士山

中帶索歌萬卷銷來歸脚底此中畱得一毫麼
道本難傳譬眼睛但除障得不添明見紅見白誰
能見生翳生雲我自生雙翼青蠅遮日暗一池秋
水照人清金針撥得光明在笑與千賢把手行
一丸知耻是金丹莫便憂虞莫便寬病肯自醫無
痼疾跛能倚杖不槃跚生憐威鳳罹塵網頗惟鮪
魚上釣竿撒手情韁天地濶轉頭長夜已漫漫
登堂搥鼓率狂徒寧爲三餐聊自娛若不關人真
性命何殊坐市惡屠沽雖云玩世牛呼馬自可歸

山我喪吾勇撒臯比君莫惟閒名豈是護身符

再和桓字韻

日日棕團趨寂寞朝朝竹樹報平安池魚求友通
孤嶼巢鳥呼名號合歡木筆花繁如侍史大夫松
老似休官司司空作達爲生壙載酒吟詩倚四桓
諸公袞袞雲霄上何用長沙策治安歲儉山城愁
後事軍興化日失前歡寧辭烏帽論茶政自照青
藜著裨官老眼拋書渾不解並忘七稷與三桓
由來無法爲君說誰解將心與汝安盛世蕭閒良

不易故人文酒劇為歡藏名率爾歸千壑入定悠
 然喪五官興發踏青騎駿馬據鞍顧盼自桓桓
 尉陀奉使煩清詔反側游魂使自安轉餉關山時
 不徹投壺幕府日為歡傾家佐國勤諸路開閣崇
 文校列官寄語萑苻諸寇盜征南虎將正糾桓

晒魚

針頭蠶尾認洋洋逐手春波放艷陽罷講兒童偏
 好事百回來看曬魚秧

寄周介菴少叅

抵掌西涼久罷兵車音東下似韶譔麟雖願見終
 難見鳳不常鳴會獨鳴上殿文貞偏抗疏中朝元
 禮最知名多時節鉞如君少漢相從來說建平

寄柴雲巖太守

高南鄭以那借不完例當收其孥姚端恪先師及中外宰

官助之二千金公亦與焉故二句及之

琴堂不敢寄雙魚曾助緹縈一上書姚相履聲聽
 漸杳王猷竹影看全疎救荒飛雁回遙浦問俗高
 軒過比閭卻惟鄭虔無意思青氈但乞守寒廬

袁孝廉廣文將乞歸也

青蘿洞行

東蒙居士紫霞翁起居不與世情同別館崇臺住
不得蒼崖鑿破仰穹窿洞前流水清如玉荳花桑
樹柴門綠柳將溽暑碧溪東籬邊但許雙鷗浴鑑
湖一曲種荷花湖岸陰陰萬柳斜行人坐臥不能
去惟云河上老人家家似浮雲身似寄外人那得
知其義玉井金欄一鬪棋羊腸蝸角皆兒戲志壑
堂前笋成竹洞閣芙蓉開簇簇村酒不辭似蜜甜
流光可惜如轉轂君不見武林詞客桐城老回首

山原悲宿草又不見諸公公金紫風中絮一揮狼狽
青門去刈麥人忙小巷空閒齋不定雨兼風午前
絳樹流晴日午後清樽對落紅

送朱萊孺主政北上兼問訊

令叔徽蔭年兄

握手高賢一嘯呼明湖花發送驪駒難言法密能
容盜切記時清早免租廷尉官階終復起中丞兄
弟望原殊好詢叔父圍碁罷屐齒丁丁尚有無
余晚歲種竹頗得法樹百手自爲山各相矜
鳴得意念東先生云是可記也乃作歌

城南萬疊芙蓉山城中千箇瑯玕竹山轉逸樓風
滿廊竹生志壑雲遮屋空庭崢嶸影迢迢芳砌檀
欒聲謾謾君到開樽醉竹根我來攜壺山麓雨
霽曉粧畫遠睂天寒翠袖臨空
孫新荀崢嶸如仲叔我一言爲君賣平泉梓澤皆
小築合圍千霄皆樸樾君不見山有豺虎竹有蠹
麥秋無麥千家哭尚平五嶽且遲遲阮籍諸賢空
碌碌竹裏吹笙赤鳳來山頭與雨青巒沐此君揭
孽撼天關他石蛤呀撐地軸家家竹樹報平安處

處山泉懸飛瀑有時叢桂遍岩阿從君二華三天

竺

寄焦石虹副憲

遙傳消息到漁磯近說賢郎入覲歸領袖西臺原
累代連翩小宋又初飛前騶認識新烏府故吏歡
迎舊繡衣列座宣公方抗疏豈云無闕諫章稀

代贈歸孝儀及第

一聽臚傳喜不支同人交索舊題詩爽鳩家世言
游里太僕聲華虞仲祠紅藥三台開館日彤雲五

色唱名時定知溫飽非君意玉箸金甌會有期

贈韓燕翼大叅

山家雙戟日高眠
茵菴晴開照酒邊
架上金經茶正熟
簾前歌板月初圓
次公花縣封潘岳
伯子昭文館
鄭虔誰信名園嘉樹裏
隱囊鬪奕一神仙

已未淄川大旱告災藩司一吏不索例錢而

索詩亦爲破例一作

何人亦發嘆愁聲
靈雨無時鴈羽驚
意氣由來推劇孟
慨慷誰復讓荆卿
軍興所重惟錢穀
令甲相

關在考成須信蕭曹當自命絃歌大笑魯諸生

再贈石虹司寇

林泉洗耳鳳將鳴
彈指秋官署亞卿
自不吝寃于定國
寧辭補袞魏文貞
廷推物理歸公望
感遇人傳荷聖明
八百諫書知未就
昌黎久矣信陽城

巢居

浩蕩乾坤益把茅
如今銷夏住林梢
黃鶯求侶頻沽酒
烏鵲將雛莫占巢
披斷輿圖無此地
筮來羲畫在何爻
全身化作桐花鳳
風雨人間一繫匏

贈王貽上侍講

何人載筆氣如虹
玉殿南頭鳳闕東
蠟燭五侯新制誥
鞦韆三影舊郎中
臨軒已得君王喜
仰屋難忘司扈窮
遙計看題紈扇日
正開芍藥照堦紅

送丘荆石

維揚幾載看瓊花
襍被歸來鬢已華
蕭寺春燈憐凍雨
檐廬絮酒感茅沙
寒帷見說酬勞吏
破產何緣佐算車
不爲渭城歌遍疊
豹山南去舊隣家

傅家灣

樹陰寬可放楸枰
種樹三年計已成
松下灌畦看竹長
林邊倚杖待泉清
眠同振鷺飛還集
浴共浮鷗近不驚
出郭不緣爲刈麥
山雲澹漾似身輕

趙松石撫軍上元招飲賦謝同

高念東少司寇

鼓角軍壇將令嚴
海波如掌見韜鈴
神仙再詣陶弘景
宰相頻推范仲淹
問寢高堂朝視膳
攤書幕府晝垂簾
上元好記泉亭外
火樹清歌醉玉蟾

小齋

志齋詩集 卷之九
清晨散步小齋幽碧樹蕭森暑氣收十斛黍登先
釀酒五分稅足漫持籌竹能避暑抽新筍荷欲擎
天報早秋莫笑主人家四壁金銀花發滿牆頭

讀史有感

古今全璧少瑕瑜總難憑抗疏丁柔立陳書杜少
陵贊皇真有黨次律果無能卻惟昔人錯唏噓每
不勝

青史升沉事挑燈一笑生思之嘗爛熟衰至則驕
盈抱犢山中老負瓢哇上行雙柑酒又綠何似聽

流鶯

岞山歌贈陳子聖生

岞山故尹河東柳廿載浦城旅襯久柳令諸孤雙
稽首般陽司寇前垂手贈金一笏青萍吼陳子攜
金甌越走仙霞巖業連天隄漁梁舊館猶存否前
無故吏今無友陳子宿諾真不苟訪遍村翁與市
叟翁指一丘如培塿金鋤砍土蒙塵帚舊題爵里
餘蝌蚪陳子再拜三漉酒間關會稽歸廣輒嗚呼
陳子今無有名與司寇同不朽我鼓缶進一斗江

上麥舟原非偶掉頭負義吾何取嗚呼陳子今無有

送孫樹百北上

竹樹裴回出酒壚囊中封事記攜無鳴鞭月炤東
西塞張蓋雲生大小沽空賜銅山愁納稅願飛靈
雨但收租辛勤驛路兼炎暑鴻鴈逢人莫畫圖

絕交行贈少尹韓仲美

魯連已老信陵死世間鮑管庸人耳同室操戈落
并石不謂賢豪亦如此少尹彩筆幼如虹生平癖

與杜預同伯仲惟傳韓太僕刮目憐才重阿蒙名
園握手冰軻裏朱履賓從誰能齒牙軸金尊細論
文對客常稱韓君子太僕捐館家難生少尹初聞
最不平然諾豈能侵劇孟衣冠真欲哭荆卿對我
擁爐髮上指頗恠斯人爲惻始自擬杵臼與程嬰
滿座客間皆歡喜多時少尹不相見風送聊城三
尺箭報仇雪恨累千言不見其人見其面云與太
僕宛似海埋名忍耻已多載家治春秋重復仇一
朝生死交情改太僕諸孤已破家春風亂捲欲殘

志壑堂詩集 卷之十
花曲突焦頭無上客高墉廢圃有昏鴉少尹兄弟
如虓虎父佐名州伯開府千金散盡等浮雲萬石
倘來亦糞土臥薪保楯憶夫差伍胥專諸亦可誇
不應尚友齋頭醉笑語從容泛九霞古人報德重
一飯子孫累世猶繾綣今人報德勝古人酒杯擲
卻遂修怨椎碎茶鐺撲碎琴堂前賓客漫沉吟今
朝促膝斑荆者明日悠悠陌路心

志壑堂詩集卷之十

己未庚申集

己未詩愚山所訂正外得三十九首又庚申
南遊以前詩九十首共爲一卷兩載荒歉流
離滿目感嘆之餘不廢嘯歌所謂人言愁我
始欲愁也申春余柴門之外種樹爲籬所謂
五畝園者大畧粗定迨八
月卽復有吳越之棹矣

寄懷姜玉璿檢討

山海迢遙鬢各皤誰同卒哭與驪歌君當草賦招
猿鶴我亦刪詩廢蓼莪道自灌園秋漸實書如種
菊購來多不知蠟屐西歸後蜃市樓臺幻若何

寄梁玉立先生大司農

投贈新詩重百朋
光生斗笠與行滕
來迎雉尾傳飛檄
去說龍旗唱采菱
作序但求皇甫謐
譚經寧有佛圖澄
隔年銷夏長林臥
頗語人曾御李膺

寄孫忞庭少司馬

重提博局見韜韜
裘帶翩翩禁籞嚴
振旅有時歸海嶠
輪租何計賜閭闔
鳳城月上頻行爵
軍府花開不下簾
漢相曾煩畱緒語
一時虎畧未如髯

寄桑雨嵐學使

市垣銀漢氣難收
東璧星連光岳樓
畫舫明湖花外月
泉亭王屋水來秋
容臺部曲催歌伴
魯國生徒奉酒籌
莫信三山人未到
前旌咫尺問蓬丘

寄王阮亭侍讀

天垣天市敞星雲
置館弘文始鄭君
明月珠來皆壓卷
黃金臺上盡空群
喟然乍起花驚露
去矣行歌響遏雲
退下誰憐青塚淚
舞衣捐損石榴裙

代寄桑學使

神仙早晚過蓬萊
南極星明絳帳開
獨樹新亭將

進酒官梅舊閣憶
啣杯桓榮車馬光
難並孔僅緡
錢愧不材愁徒茂
陵身既老高風日
望射書臺

寄張西山叅議

縹渺雲璈何處聽
悠然臺上望仙亭
華筵散與流
民粥海屋添鐫喜
雨銘謀國不辭齊
敬仲論文無
過李滄溟由來嶽
降稱申伯莫數金
門老歲星

念東先生架木爲巢復移之近郊

生憎人世有塵埃
結屋林梢亦快哉
索醉好尋巢
爰飲來賓常惹鴈
鴻猜列屏爽豁開
山面添檻深

沉釣水隈竿木隨身何不可
誰云無地起樓臺

章丘魏明府勘災紀事

般陽無麥復無禾
父老重迎一浩歌
八口啼饑蝗
正飽三秋缺望雨
方多康成碣下連
衰草順德祠
前漲晚波愁絕金
風涼冷後飛鴻哀
怨繞關河

贈趙子遜歸膠州

暢好開樽醉竹籬
西風痛哭欲安之
何妨踈布徐
元直豈有胡床戴
若思支枕黑甜鐘
已動回頭圓
嶠岸將移由來善
奕無高手悔盡閒
枰落子時

袁松籬秦鏡歌

秦宮寶鏡高五尺離館煌煌秋水碧當時六國曉
奩開九天簾捲繁星射忽傳隆準自東來鮫綃掩
泣君唧壁一時封閉待重瞳楚漢曾窺貌不同垓
心覽罷虞兮哭慚無面目過江東此後銷沉滄海
岸流傳君手爲君玩桑田清淺幾多年不知晉魏
何云漢入君手君莫嘆對此安仁復衛瓘先秦但
許照蛾眉前庭鹿馬何曾看

袁松籬畱宿山齋有賦奉和

秋堂煙雨起微涼共對清樽鬢各蒼侯霸於今痴
似故次公自昔醒而狂風生竹樹花侵幕雲捲山
椒月滿塘頗見如君佳客否敢云蓬海路茫茫

重陽雨

紅葉黃花不出遊小齋剩有十分秋薜蘿如醉籬
英放莫漫登山且上樓

又

雨霽堦前霜葉飛征鴻幾日又南歸舊醅呼取陶
然醉不遣東籬候白衣

十二日補登益都金山

山北下卽金嶺驛

無藥扶衰可駐顏秋崖忍負菊花斑霜林幾處催
搖落鴻鴈何年罷往還石似仙人畱奕墅寺如古
戍設巖闕瑯琊東望休揮淚祇作江南浮玉山

寄樂安邵憲思明府

爲蘓貞下孝廉房師

旅館前年話酒床一時霜樹尚微黃難忘燕趙多
奇士曾說旌旄近帝鄉自得侯芭親翰墨方知富
弼賑流亡因君還憶高常侍離別關山鬢各蒼
余左腋有伏寒之疾多年矣俎季偉年兄來

施鍼灸効如沃雪二詩以送之歸

山人伏疾日高眠徼倖君來一霍然秦緩論功擒
二豎齊侯悔過復三田火攻自古稱奇策海藏從
知有秘傳不信鐘鳴鷄唱罷紅輪如日起重淵

又

抱鷄補竹日空嘆善病留形良獨難早失岐黃真
懶傍懸愁杖屨亦槃跚小清渡口雲初紫無棣城
邊雨正寒仙火何如九火燄悟君鍼石大還丹
見邸抄近事志喜

短髮閒身值太平百年一度一河清
聲歌宰相來揚縮車馬中丞見
晏嬰世事漫愁留鼠穴人情偏
喜聽鶯鳴邸抄閱罷燈前舞
舊釀新醅次第傾

孫忞庭至 濟南詩以訊之

嶽雲如黛望征旗况是橙黃酒綠時
人道謫遷非帝意我聞忠諫有天知
逍遙北渚青蓑笠顛倒南山白接
羅君自求歸歸不得買舟南下似嫌遲

又

屐齒蕭閒自在身湖船賓從一時新
年來獲收偏

知我此後溪山認主人丹鼎漸成孫思邈
詩樓猶在李于鱗鬚眉四皓方辭漢
厭說人間手不龜

莫忘篇贈行十首 有小序

司寇高念東先生奉

詔入朝擁爐言別時維長至節屆嘉平
笛裡梅花吹徹關山之曲樽前柏葉
潑開甕盎之春率賦十詩以當三疊
昔者公孫丞相之計偕也其鄉人鄒
長倩以三事贈之先生東山偃仰久
訂鷗鷺之盟卽今

北闕迴翔備悉閭閻之狀茲效驪駒之唱實聯抱
膝之吟蓋義取重申故篇名莫忘聊附平津
賓客之後依然安石嘯歌之餘倘海內詞伯
有屬而和之者抑亦昔人鶯囀皇州諸什也
五嶽尋師秘不傳經時已證地行僊冰天脫帽爭
雙局遙夜挑燈對一編決獄重煩于定國題詩再
詔李青蓮十年煨芋尋常事莫忘緱山跨鶴還
握手河梁捻黯然蕭條東海正無年燕臺愁索珠
如米太府誰流鈔似泉驛路懸鶉皆就熟山家辟

穀慮成仙黃金市上饒歌舞莫忘哀鴻雨雪天
外吏由來重一官憑將曲折訴長安法寬擒縱還
多術網密周全有百端不信偷鷄陳玉殿翻教走
馬探金丸先生曳履朝天去莫忘鄉關捕盜難
火榻梅花佐酒卮同雲漠漠護征旗艱難物力闕
天意清白家聲侍主知遠慮從來推郭泰和衷
畢竟讓韓琦治安有策多惆悵莫忘交歡將相時
井賦府兵振古傳本朝軍制更盪然將休禁旅
更番騎好省官旗轉運錢妙畧武侯耕渭水奇勲

克國破先零西南底定無多日莫忘屯田餉遠邊
霜簡烏臺凜素秋一時絳灌索名流雷水心鐵骨

梅花賦

宋

錦軸牙籤文選樓

蕭

共許咎由能敬獄

誰知劉晏善持籌

畢

河陽待發棠千樹莫忘常何

有馬周

張陸

清俸全分負郭田一龕今擬借僧眠琉璃孤照繙
經火鐘鼓晴催待漏天漫道平吳煩 聖慮須聽

入蔡勒瑤編老臣輪對承明殿莫忘函風稼穡篇
帝簡臯陶照覆盆驪歌三疊更何言陰功偏數明

刑重司寇其如案牘繁寧待天官纔賜福豈勞地
藏復招魂猙獰獄吏尊猶虎莫忘緹縈有負冤
踏遍名山舊草鞋不辭路滑上金堦瀕行更掃千
人洞屈指猶懷百丈厓湫漚二勞驚海市崢嶸三
竺醉蕭齋春來鶯語宮門柳莫忘東池酒似淮
五畝荒閒一腐儒空慚卜式與陶朱吟鞭瘦影留
殘照禪榻清齋奉病軀竹下寒烏蹲不語沙邊旅
鴈凍相呼王師奏凱南歸近莫忘官紳早免租
袁松籬同宿村莊語次有作

夜闌林屋把深卮聯榻高吟醉不辭自笑生平慚
劇孟何堪七日長袁絲
漢闕秦宮十二樓御溝流葉動人愁畫圖但恨毛
延壽可道王嬙命不猶
戰罷鳴金士不囂平明列局子聲騎祇言三北乘
朝氣誰信君朝亦彼朝
正則離騷氣若虹可憐掉臂馬牛風巫陽更莫爲
天問從古多言數易窮
舌敝瞿曇力不勝由來四衆喜菩提人剩可閒

無事一任不周山自崩

偶成

酸齋生計費平章一半枯藤半酒床芒屨焉能周
北岳簞瓢疑並產西方晚年奉道徐元直早歲遊
仙向子長屈指知交零落甚何人泉石似倘羊
憶乙卯守歲同人聯句余有婪尾觴中飛羽
檄踏歌聲裏賣金釵之句今庚申之歲更
不知昔上元一賦情見乎辭矣

上元日月赤無光人日晴和穀日良柳眼望穿天

志齋堂詩集 卷之十 九
散賑薺花占斷地休糧燃燈愁照流亡市角戲爭
如乞丐忙却憶毘陵前夜舫魚龍簫鼓醉江鄉

送韓燕翼之郎君武康任

移家豈是做襄陽點鼓雲帆畫戟張入越梅花開
未落度江泉酒載堪嘗探竒偏識响嶮碣問道頻
過薜荔鄉自爲東堂傳治譜肯教菽水累龔黃

寄戴岵瞻京兆

前年瓢笠五湖身材屨從容笑語新蘆葉渡江如
漏世蓮花聽漏更何人襄陽奉道龐居士谷口躬

耕鄭子真老友至今零落甚可憐王翰失東隣

送邑令馬允大守制歸里

翩翩符綬正朱顏况復軍書夜不閒每以催科甘
下考從無苞苴再呂切入重關比隣高密惟楊震屈
指春陵見次山十載舊遊增感慨雪衣人道錦衣
還

二月一日齋前小山一峯傾

築山時記買荒莊對尔遊心暫解狂蘿蔓春當綠
峭壁蟄龍夜乍裂回塘將憑別岫留雲脚好與閒

憲放月光把酒莞然成一笑莊山堂作半山堂

淄川苦旱三年矣汪健川邑侯下車卽雪祈

禱又大雨雪小齋邀飲有作

同雲絮絮六花開竹馬歡聲聽若雷阡陌催春鶯
欲囀瀟湘就煖鴈初回池亭不廢迎風宴邂逅真
成喜雨杯歲歲老龍偏懶慢香車今傍使君來

青城周遜菴明府其門人索詩壽之

瓊筵歲啟杏花傍此日人傳拜夕郎雙旆行歸青
瑣闥諸生群奉紫霞觴侯芭感激傳竒字鄭俠嚴

勤草諫章莫怪廷臣推物望漢家自古重循良

會送仙喬謁玉京五雲深處歲星明聞鷄南陌無

宵警佩犢西郊看耦耕問道親承周茂叔傳經重

見鄭康成絃歌但有南山頌慚愧當時魯兩生

生徒絳帳起笙歌火棗如瓜金叵羅望望鋒車徵

陸贄紛紛講席重田何春陵爲令純憂國渤海逢

君自息戈此日稱觴無筭爵小清河繞大清河

鄭心白叅府歌

將軍幕府清無事投壺蹴鞠軍中戲却看禁旅尚

南征日望捷書三五至今歲山東告大無司農散
粟更蠲租但聽鵝鶴時時警豈有鼯鼯夜夜呼寶
劍瑠弓霹靂手黃金肘後懸如斗無棣他年築將
壇索君雅樂飲君酒

長白山道中卽事

斗柄東回春未回鴻飛原隰亦哀哉陳平雖美憐
糠覈杜甫多才忍剩杯靦面三分成鬼魅踏青強
半在蒿萊曉行如此寒涼甚決計清明花不開
青城范神童八歲射覆無所不知問以余尚

得見其成立否卽疾應曰見

問尚得見太平否卽連應曰見
見二語頗合詩以志之

兩詣神仙笑頰生同聲許我見昇平匪關白髮經
時健自識黃河轉眼清緣分已超劉子驥脩持寧
待管公明生來曼倩知多少莫數龍鍾蝙蝠精

送長山令南頤園致政南歸

斟酌離觴百感繁
花縣獨
泉計此去真難口舌爭日望鋒車趨畫省却傳湘

水賦香蘅丈夫拂袖尋常事偏我驪歌最不平

代朱逸菴中翰贈南長山作

長公縮綬五湖濱狎主敦盤共結鄰一自鳴琴來
角里却瞻高旆起朱輪滄江龍臥終行雨漁父仙
源莫問津此去河陽傳治譜花開爲道憶安仁

又送南願園

陽關三疊杏花時揮手浮雲謝故知傲吏從來腰
懶折桐鄉無那馬行遲幕中客重張平子堂上人
推劉穆之跨鶴仙喬原有分十年煨芋本庸兒

贈王方山散賑淄川

道人於世馬牛風一揖交歡奈不同大吏固能推
物望君才原可濟時窮弘文再識胡安定散粟重
來富鄭公旭日闌干休作賦似曾檠戟太行東

清明掃墓卽事

春城久不理吟鞭拜掃西山一悵然屋角鳴鳩占
物換河陰芳草報時遷賑饑父老交垂橐捕盜弓
兵遠入厯猶似前年風日好杏花無恙傍鞦韆

齋前海棠盛開健川邑侯至飲次索和

志齋堂詩集 卷之十
朝霞如繡綠差池一院春光全盛時青帝招搖寧
有恨封姨狼藉漫相欺危欄獨坐難堪此把酒狂
吟欲告誰莫道前賢詞賦減名花本似晚粧遲

海棠花下

生平不作送春詩對尔佯狂百度思爛熳移來隨
手活飄零開後轉頭遲初非解事山蜂報悞被尋
香蛺蝶知何似浣紗溪上女苧蘿村裡五湖時

送高仲治北上省覲

駘蕩征衣覲帝都春風一曲送驪駒濟南鶯樹隣

三島趙北漁帆類五湖望闕時平應獻賦過關年
少漫畱繻黃金臺下如沽酒問有藏名屠狗無

門前隙地種樹爲籬所謂五畝園也

野人何事日歡娛手種長林一萬株招鳳無嫌留
枳棘呼賢欲共闢榛蕪難忘嘉樹頻成賦待足清
陰另結廬門外便爲棲隱處歌聲聊免入蒲菰

代贈臨胸廖明府

劔池親到坐脩篁細聽漁樵笑語長天道殷勤多
水旱人間歌哭見龔黃中丞薦疏來烏府上相論

功奏御床早晚雙鳧棲畫省皂囊封事動明光
漫道衰翁不見孫蕭蕭自愛出層垣拂簷風起時
飄瓦穿逕花生並碍蹲固喜櫻桃解入戶須知蘭
蕙忌當門由來五十年宜杖好整綸竿釣水村

刈竹

補山

補山安得禮園師僕輩經營政自竒疊嶂重瞻雲
起處雙峰坐報雨來時向平老矣遊將倦螺祖歸
歎臥亦宜照影乍搖春水綠掌中清對酒盈卮

寄竇豹文侍御公子价公

長白峰頭舊酒壚酒間擊缶唱烏烏晴開雙樹高
門戟閒獵平原駉馬駒雲過林鶯呼避雨客來山
鳥喚提壺人情鬪歷惟高枕簾捲斜陽五嶽圖
宣四道兄同年薄遊江上計歸時當在稱觴
高堂之前耶詩以囑之兼訊王伊人年兄
蕭蕭春雨唱驪駒景倩詞名近有無晴日臨江三
白酒歸時稱壽四腮鱸寧辭吟眺滕王閣切莫勾
留賀監湖遙問仲宣當作賦花間多少醉工夫

青蘿洞寄念東先生
洞前春水鸚頭綠
洞外晴花雉尾紅
老樹陰遮棋
酒路主人何處聽
晨鐘

寄慰樹百

曉夜鐘聲出紫薇
傷心莫問縷金衣
清尊歌板時
時歌畫省薰香故
故稀夢雨何緣鴛瓦墜
綵雲常
化洞仙飛芙蓉閣外籠鸚鵡
傳說君歸又不歸

春深

畢竟春深樂事多
酒杯棋局日吟哦
翹翹紫籜穿

林笋漾漾青錢貼
木荷魚下澄塘爭鼓翼
鳥來新
樹亦酣歌人生半百宜
行樂辜負流光奈尔何

晉石來即事有作

一揖交歡笑語譁
堦前連殼長山茶
閉門高臥成
何事無酒留人亦看花

又

春風駘蕩鴈高飛
相向山園採蕨薇
一院榆錢流
地上故人不惜滿囊歸

製杖

回首蹉跎五十春
臣當壯也不如人
祇今池上龍鍾竹
好伴山中骯髒身

贈房子明

獵獵春風百卉開
碧桃宮殿倚雲栽
講壇鬱鬱望招軍
埠射圃晴臨夾谷臺
除自繙經惟鬪奕
不煩刻燭亦啣盃
邑侯社酒流連日
定有鄒枚作賦才

袁秋絃告歸過之座上燕子來

前年梁上語留連
今日山村暫解閒
可愛故交如燕子
主人歸後總來看

山查花

凋謝瓊花第一流
維揚弔古動人愁
銀堆玉簇園丁笑
不信唐毬讓繡毬

送朱逸菴中翰北上

比隣王翰接清卮
暇日山園共鬪棋
此去買舟鷗鷺浦
到來簪筆鳳凰池
中丞劍佩荆軻里
江縣絃歌季札祠
燕市酒漿尋舊識
相逢一道數相思

新竹

穿墉觸石與山通
小圃焉能困籜龍
也似山人幽

志寧堂詩集 卷之十一
興發引鞭吟過槿籬東

又

牆外人行見翠螺一時沽酒欲徵歌却愁三徑琅玕滿二仲來如杖屨何
已未歲儉各邑敝賦至庚申四月而始畢悵

然有作

憂國羞稱管樂材窮居畢稅亦艱哉殘裘不計縫狐腋黍米誰知結聖胎豈止浮圖高九級公然劫火敵三災引卮寧敢勞成事長嘯聊登避債臺

坐渚頭灣橋上

山下泉清澈石根每來酌水戀苔痕幢幢晴樹鶯聲轉獵獵風蒲澗影翻盡日無歸挑菜侶經時不過飲牛村閒花開落年年事漁父多言莫與論

施硯山撫軍以散賑過山齋小飲詩以寄之

中丞小隊出山城呵殿無聲馬箠輕長揖乍逢王景畧坐譚真見薛文清救荒當宁知勞苦籌餉諸賢嘆老成祇辱草堂嚴僕射浣花焉得舊詞名

新竹

生疎檀板與歌裙意思蕭然耽此君溽暑當風初
浙瀝乍晴於月最殷勤階前煮茗松聲亂山下開
樽黛色分頗似瑯琊諸子弟數時高屐已青雲
梅花釀酒凍松雲此日崢嶸屬此君頭角風前如
冠玉旗槍雨後亦能軍放梢瑞世鸞生尾抱籜通
天犀有紋沉醉諸賢終潦倒好携綠綺坐清芬

客有謀燒笋者作此解之

閣外榴花笑欲然隔花靜對竹娟娟不妨濫作金
尊會未許頻叅玉版禪與可狂呼噴滿案子瞻大

嚼口流涎何如高臥茅簷下領畧清風細雨天

蕪貞下自取竹瀝療其姊病

活火泥爐碧玉尖手蒸不爲製青鹽焚髯灼艾尋
常事此日和丸見孝廉

夜來大風杜少陵所謂謂綠垂風折笋者殆
不能免

無端損我綠琅玕少女佯狂尚未闌且復盤餐還
跨鶴園丁不必報平安

蠶

曲薄春蠶瘦不支愁吟寧獨麥秋遲蠶眠須似希
夷久眠到田間桑賤時

卽事

踐更不後上租期麥隴腰鑿負一卮何事林間還
偃蹇殘書拋枕夢來時

村墅廩竭久矣有偷兒穴之無所得而去應
爲所笑

空倉雀噪久相知爾輩旁觀定自疑妄憶此中無
盡藏誰云賊不打貧兒

東門牽犬事全非黠鼠年來亦苦饑祇愧當時魯
子敬指君狼藉滿囊歸

節屆重陽麥秋至矣健川明府普放衙叅言
觀銍刈小詩邀飲卽和來韻

花縣寧疑考課遲蒲風杏雨信天知人來三事平
津里家誦雙溪謝眺辭薇省頻傳蠲稅詔琴堂常
緩踐更期田間刈麥櫻桃熟好與山公醉習池

李吉津先生寄到所訓孫忤庭司馬詩十首
都未見原詩何語余一日詣先墓薦新麥

途中屬而和之我自言我所欲言譬如行
道然前或輪蹄後或杖屨夷險所經皆由
斯徑

巢燕

海樹雙棲又北歸紅襟不與故山違輕風簾幕花
初艷細雨林塘綠乍肥萬里浮名占紫領五侯舊
第認烏衣明年更有新巢在華屋將雛何處飛

新竹

新篁謾謾漲風濤似倚長竿坐釣鰲嶰谷笙鳴音

未絕湘江瑟怨淚難消翁孫籬外如繩武伯仲階
前競奪標欲抱一緡侵碧落阿誰爲我問琴高

黃鸝

桑椹殷紅箇箇添交飛無定語廉纖當風玉笛梅
初落出水金衣雀自嫌樹杪吟詩驚謝眺林間喚
酒醉陶潛開門避雨頻頻說似怪黃公不掛帘

池荷

菡萏飘香撲鼻聞垂簾散帙坐氤氳曾傳洛浦來
仙侶不見丹山下鳳群紅影掠波交綠影黑雲過

雨漏晴雲此間阿耨池堪老九品無關與司勳

小圃

當門一圃作南莊戴笠常愁過樹行次第花生春
艷艷參差月下影蒼蒼瓜成五色垂籬角果熟三
時落花牆早晚先生還種藥課僮引灌未開荒

憶濟南

福地神霄不易逢名泉七十首芙蓉呂仙祠宇青
羊肆大佛山岩白鶴峯堂下釣魚皆半鱸竹間削
杖是全龍時時畫被吟詩臥隣寺常馱正午鐘

憶天台

道人忽忽老岩阿荏苒翻教閱世多笑種碧桃開
又實愁逢青社哭還歌搖鞭拔宅真君里策杖鳴
泉邵子窩康樂不辭踪跡遍好秋雁宕更來過

趙提鎮以其破城所獲米千餘石入奏以不
及額不叙余竊謂例則然矣但此需餉之
時有以俘獲入公家者此最不易得倘許
其一再積數摠計至及額而後叙之亦足
以風示行間有所裨益偶形歌咏固田野

謳吟之遺也

關隘聲名百戰身今瞻搜粟餉兵人一時寧少臨
黃鉞此意誰偏奏紫宸但使將軍爭愛國肯教
天子獨憂貧諸公袞袞居臺省長慮何嫌入告頻
李敬茲中丞所陳兵屯此時卽戰士不暇及
俟全定之日諸逆所遺舊屯及時籍以養
兵以此定西南之太平紓司農之會計策
終未有逾于此者也當以告伊翁菴新撫
軍耳

建節西南漢長卿治安今古重民生已知戰勝黃
金殿漸覺功成細柳營憂國元戎愁轉餉臨邊丞
相舊躬耕撫軍昨有燕山李抗疏分明議太平

山間

亾羊失馬揔模稜喬梓山間事老能豈有機心還
抱甕更無佛子與傳燈道如鐵壁寧多路意透牢
關尚幾層慚愧侏儒爭句讀猥云絕學果何曾

代贈李蕘苑別駕

文社詩瓢尺檄催登壇一一顧龍媒持籌小試司

農手載筆羣推作賦材高館花明珠履集晴山簾
捲翠屏開戟門誰信如天上北海親承杖屨來

蓮開

山塘晨報兩花開移置匡牀掃綠苔部曲將歌朱
鷺下雲容似現彩鸞迴難禁照眼偏成詠不放沾
唇欲盡杯雨後園林乾鵲喜戒閣好日聽人來

夢安復旦

夢中啼笑搃荒唐寄訊髯翁枉斷腸已信前身爲
五戒不知幾世又鄒陽

健川邑侯琴堂清似水而却羨金詩以志之
隣翁相過話來遲如此公清世不知又手舍毫詩
已就換錢沽酒醉何辭管寧率爾揮金日楊震悠
然却贈時雙頰林花交映赤幾回顧影照山池

過故人舊圃

十年澗壑共棲遲往事衰涼有夢知月炤清尊行
命酒秋分霜葉坐題辭鳴泉初引成渠日竹樹新
栽見長時一自山丘零落後閒亭無復水平池

又絕句

逆旅栽花計，摠非花開幾見主人歸。祇今老樹陰如雪，寧獨金城柳十圍。

再寄施硯山開府

時將有天台之遊

幕府神京據上游，方壺自古號仙洲。天孫偏賜中丞雨，地震翻成下國秋。千佛山青雙建節，五湖花艷一登舟。太平杖屨閒無定，試問滄溟白雪樓。

夏日細閱念東先生向所點定拙詩文欣然

有作

掩關長夏，悵離居稍理。前年未了書，一字九迴思。

頓悟數行重訂氣，方舒何曾夢見花生筆。聊免人言懶祭魚，不信金門真萬里。依然几杖奉吾廬。

獨酌放歌

海內吏治誰最良，北聞益都南武康。海內吏治誰最苦，久聞齊東徐明府。益都王令讀禮歸，父老臥轍共牽衣。三日素車不得去，荒原揮淚雨霏霏。武康作令韓公子，少年辛苦山城裏。上馬殺賊下論文，四郊嘖嘖賢聲起。齊東倒篋賂民糧，無子無妻歿異鄉。齊人傾國營高塚，哭聲聲與清河長。

元壘堂詩集 卷之十一
贈孫樹百補給諫

袖手金門日已多，好音重疊下岩阿。
花間直宿傳銀漏，殿上輪班響玉珂。
人道魏徵還嫵媚，我聞陸贄亦蹉跎。
西南早晚銷戈甲，此後封章欲若何。

晉石索詩贈李文玉

弋鴈歸來悔讀書，名泉引遶舊茅廬。
年年漉酒憑人老，往往披裘與世疎。
種樹蕭然惟閉戶，耦耕率爾一揮鋤。
生平最愛玄真子，西塞桃花策杖餘。
懷抱丹書靜掩扉，滿頭白髮已知機。
玉魚可笑人

重見赤鯉何時客，揔飛鑪內砂成期。
駐世囊中藥，滅漫霑衣蔡。經徐福，垂垂老且掃。
三山坐釣磯。

贈聶見白

抵掌尼山五父竒，行纏曾不惜雲泥。
尋龍頻過封松樹，認穴重摩築室碑。
赤道天原分兩界，黃河地自列三支。
景純脚底從來濶，敢說人間少墓師。

讀史二首

脫粟寧關漢相貧，孫弘不改住山人。
汲生眼孔青綾被，日向君王怨積薪。

躡足真王與假王君臣一向費周章前年風雪淮
陰市多少寒鴉叫夕陽

焦大甥末年余字之曰慎思詩以贈之

道心炯炯譬雙瞳過去紛華過卽空自不妄言懷
涑水吾寧溫飽志沂公當春斑管臨花艷入夜蘭
膏炤月紅莫謂賢甥多似舅祇今阿舅太冬烘

掩卷有作

寒泉徹骨復漣漪冷煖沾唇始自知據座侏儒紛
聚訟挑燈青史半傳疑悠悠糟粕斟難醉望望形

聲吠摠癡如此勞心終是錯何如沽酒共圍棋

七夕宿綽然堂同蘓貞下蒲柳仙

煙雨秋堂盧橘香夜闌雲氣護空床將聞鼉鼓聞
蛙吹却醉松醪醉縹緲乍見耆卿還度曲同來蘓
晉復傳觴道人不記星橋別晚度溪村一望洋

掘井

鑿石淘空初及泉園丁驚報水潺潺不知滄海無
他地祇謂銀河有別天幾道溪光分菡竹一池雲
影放青蓮沃焦徃徃皆星宿抱甕何人祇自憐

念東先生聞余出遊寄詩二十章報以十章
詔許單箋奏廟堂九重真樸近三皇溪山初不容
高臥應爲今朝急就章

掣肘多時單父愁綠林得意任優游從今外吏公

堂上放胆居狀坐慮囚

指同署公疏

樹影東時我亦東野人偃仰亦何功可知湖海安
眠處正在公卿枵腹中

柱笏虛傳對晚峯事平終欲復堂封語公一法公
應笑衙散高眠報國松

普天苦熱普天寒大抵銀灣銷夏難屈指金魚池
上好先生惡熱本秋官

六曹冷煖各分司寒甚冬官與士師匝地火輪無
避處紅雲或照夏官空

白帝遲回不可招祝融無賴火龍驕將無黃閣清
涼甚自有薰風傍赤霄

青蘿洞裡舊閒吟百道鳴泉百尺陰便說河豚堪
一飽不應苦笋爲抽簪

小陸新詩佐酒籌子房慣與赤松遊白雲觀裏諸

真會開遍棠花識好秋

山臺新築憶啣杯門外青籬遠屋栽焉得王喬傳

秘術朝天飛去暮飛來

